



CONVOCATORIA DE LOS "PREMIOS 8 DE MARZU" 2019

DÍA INTERNACIONAL DE LA MUJER

L'Ayuntamientu de Grau, dende la Conceyalía de Muyer e Igualdá, con motivu del 8 de marzu, *Día Internacional de la Muyer*, convoca los "*Premios 8 de marzu*".

Bases reguladoras

Les presentes Bases tienen por oxetu regular la concesión de los "**Premios 8 de marzu**" **2019**; la so finalidá ye estremar y reconocer aquellos muyeres, colectivos y/o entidaes que con dalgún tipu de vinculación col conceyu, destacaren pol so llabor, esfuercu, estudiu y dedicación, nel desenvolvimientu de les sos actividaes ya iniciatives personales, llaborales o humanes a favor de la igualdá.

PRIMERA.- Criterios de valoración

1.-Sirvan d'exemplu pa presentar candidatures:

- Muyeres centenarias, trabayadoras municipales per años de serviciu, muyeres que trabayen o trabayaren de forma altruista pol conceyu entamadoras, directivas, vendedoras del mercáu, venceyaes al mundu rural, muyeres del ámbitu de la investigación, cultural, deportivu, creativu, comprometíes col mediu ambiente, gran rendimientu académicu, conciliación familiar- llaboral, responsable d'una importante carga familiar, muyer que pola so discapacidá supere dificultaes de integración, relevante implicación en temes d'igualdá real ente homes y muyeres, etc.



SEGUNDA.- Calter de los premios.

Los “Premios 8 de marzu” del Conceyu de Grau van otorgase con calter puramente honoríficu y nun van xenerar derechu económicu dalgunu.

TERCERA.-Convocatoria.

La convocatoria de los Premios “8 de Marzu” va realizase añalmente.

CUARTA.-Comisión.

A los efectos de la valoración de les candidatures y concesión de los Premios que se convoquen, va constituyise una Comisión, formada poles siguientes persones:

- a) Presidente: L’Alcalde o persona en quien delegue.
- b) Vicepresidenta: La Conceyala de Muyer ya Igualdá o persona en quien delegue.
- c) Vocales:
 - Un/a representante de cada Grupu del Conceyu.
 - Un/a representante de cada Asociación del Conceyu qu’asina lo desee.
 - Las trabayadoras de los Servicios Sociales Municipales.
 - L’Abogada del Centru Asesor de la Muyer, que va actuar, de la mesma, como Secretaria de la Comisión.

QUINTA.- Candidatures.

- 1.- Van poder presentar candidatures, aquellos personas físicas o xurídiques que lo valoren oportunu.
- 2.- El formulariu que figura nel Anexu I va tar disponible tanto nel Ayuntamiento como na so páxina web (<http://www.ayto-grado.es/es>).
- 3.- Dichu formulariu tendrá de tar correutamente rellenáu y señalando los valores y méritos de caúna de les muyeres, colectivos y/o entidaes propuestes, de forma que dexa la so fayadiza valoración pola Comisión.
- 4.- La candidatura va poder dir acompañada d’información complementaria.



SEXTA.- Va abrise un plazu para la presentación de candidatures ente'l **1 y el 22 de febreru** de 2019. Estes candidatures tendrán de presentase al traviés de Rexistru Conceyeru nel Ayuntamiento de Grau, al traviés del correu electrónicu de la Concejalía igualdad@ayto-grado.es o por fax pa la so valoración pola Comisión.

SÉPTIMA.- Procedimientu d'actuación de la Comisión.

El procedimientu d'actuación de la Comisión va ser el siguiente:

1) Recibíes les candidatures, va xuntase la Comisión y, una vegada analizaes, va proceder la elección de les premiaes. Namás se va dexar la votación de los miembros de la Comisión que tean presentes, polo que nun se contempla'l votu delegáu.

2) La Comisión va poder proponer candidatures, ya dexar desiertos estos premios.

3) Correspuende a la Secretaria de la Comisión llevar Acta de les sesiones.

4) La Comisión va dictar una propuesta motivada de concesión de dichos Premios.

OCTAVA.- Entrega de los Premios.

L'actu d'entrega de los Premios va realizase'l **sábadu 9 de marzu a les 12:00 na Capilla de los Dolores**.

NOVENA.- Aceptación de les bases.

La participación na convocatoria de los Premios "8 de marzu" del Conceyu de Grau supón la total aceptación d'estes Bases.